

7 لا يحل نكاح أزواج النبي من بعده والله يعصمه من الناس |

خصائص النبي

شوقي عبدالصادق

الحمد لله والصلاة والسلام على سيدنا رسول الله وعلى اله وصحبه ومن والاه وبعد سلام الله عليكم ورحمته وبركاته ما زلنا مع خصائص نبينا صلى الله عليه وسلم وما اختصه الله سبحانه وتعالى به اما دون سائر الامة - [00:00:02](#)

واما دون سائر الرسل صلوات الله وسلامه عليه ومع الخاصية التي معنا الليلة ان نكاح ازواجه من بعده صلى الله عليه وسلم لا يحل علمنا ان الله لم يقيد آآ الاربع نسوة - [00:00:28](#)

او العدد الاربع وان كان في ظاهر الامر ان النبي صلى الله عليه وسلم فعلا قيد في العدد اما احاد الامة لم يقيد يعني في وسع اي مسلم ان يتزوج اربعا - [00:00:55](#)

ثم يفارقهن وتزوج اربعا ثم يفارقهن يتزوج اربعة الى ما شاء الله قد يدخل بعشرين امرأة بخمسين امرأة ولا شيء عليه المهم انه لا يجمع في وقت واحد بين اكثر من ايه؟ من اربع فقط - [00:01:14](#)

ويعدل والا سيحاسب على كل هؤلاء اما نبينا صلى الله عليه وسلم ما لم يتحقق عنده هذا فلما تنزر المسألة تجد النبي عليه الصلاة والسلام يعني مش هنقول ضيق عليه لأ ما ضيقشي ولكن العدد كعدد في وسع احاد الامة - [00:01:43](#)

ان يجتمع عنده في حياته اكثر مما اجتمع عند مين؟ عند النبي صلى الله عليه وسلم. بس بشرط لا يكون في وقت واحد اكثر من اربعة نكاح نسائه من بعده لا يحل - [00:02:05](#)

نعم لا يحل بنص القرآن قال رب العزة في سورة الاحزاب يا ايها الذين امنوا لا تدخلوا بيوت النبي الا ان يؤذن لكم الى طعام غير ناظرين اليه. الى ان قال - [00:02:22](#)

وما كان لكم ان تؤذوا رسول الله ولا ان تنكحوا ازواجه من بعده ابدأ. ان ذلكم اي ايداء الرسول عليه الصلاة والسلام ونكاح ازواجه من بعدي ان ذلكم كان عند الله عظيما - [00:02:38](#)

وايذاء النبي عليه الصلاة والسلام اللي هو كان في الاية في اللحزة دي الايذاء الحسي المعنوي الادبي لانهم بعد ان اكلوا وليمة العرس جلسوا يتحدثون ويستأنسون بالحديث في بيت النبي عليه الصلاة والسلام. والرسول عليه الصلاة والسلام يريد لهم ان يقوموا - [00:03:01](#)

لكن يستحي ان يقول لهم قوموا وهم يعني يتجازبون الحديث فهذا الايذاء اللي موجود في الوقت ده ايذاء يعني ادبي اما الايذاء الموجود الان ازاء حدس ولا حرج يصل الى الكبائر الى الكفر - [00:03:26](#)

تجد واحد يؤذي النبي في سنته يتهمها بالرجعية ويتهمها انها لا تصلح لهذا الزمن يا اما بالرجعية وممكن يكون ممن ينسبوا الى الاسلام ومعدودين على الاسلام لكن الاسلام منهم براء - [00:03:46](#)

شاهد الايذاء متعدد ومتنوع وقد يكون من الايذاء من متنوع مسلم متنوع يسيء فهم السنة ويفصل في السنة على مزاجه ياخذ منها ويترك برضو ده ايذاء للنبي عليه الصلاة والسلام. المهم - [00:04:03](#)

وما كان لكم ان تؤذوا رسول الله صلى الله عليه وسلم ولا ان تنكحوا ازواجه من بعده ابدأ ان ذلكم كان عند الله عظيما. قال القرطبي ان رجلا من المنافقين قال حين تزوج النبي صلى الله عليه وسلم - [00:04:26](#)

ام سلمة بعد موت ابي سلمة وحفصة بعد موت قتيص عمال يتجوز نساننا ليه يعني؟ اي واحد يموت اي واحد يطلق يطلق يجوز زوجته والله ده مين بقى اللي بيقول ها - [00:04:45](#)

احد المنافقين لانه مقام النبي عنده زيه زي اي حد وساعات مقام النبي ينزل عندهم تحت مقام احادي الناس. مش هم اللي قالوا لان رجعنا الى المدينة ليخرجن الاعز منها الان. شايفين مقام مين العالي - [00:05:03](#)

زادهم الله عما في الدنيا والاخرة ان شاء الله سيحشروا عميا بازن الله. عرفناهم ام لم نعرفهم. الله يعلمهم. هم العدو. فاحذرهم قاتلهم الله فهم شايفين مقام النبي زي شيخ سعاد؟ ايه يعني؟ اللي اي واحد فينا يطلق ياخذ مراته - [00:05:21](#)

اي واحد فينا يموت يتجوز مراته اه قال ايه بقى؟ بيقول والله لقد مات. والله لو قد مات لاجلنا السهام على نساءه اجلنا السهام على نساءه يعني ايه كل واحدة من نساءه اللي بعده - [00:05:41](#)

اه نعمل لهم يعني ورقة كده ومد ايدك يا فلان خد افتح طلعت مين؟ طلعت فلانة خدها ومد ايدك يا فلان يتفتح يمين طلع خدها لما نخلص مين نساء النبي. ده كلام مين؟ كلام المنافقين. بعيد عليهم لا سهلة قوي يعملوها - [00:06:00](#)

يعملوها ولو بعد موت النبي صلى الله عليه وسلم حمى الله هذه الامة من شر المنافقين. لو كانت لهم كلمة كانوا عملوا كده. بس الحمد لله دحروا وفضحوا واذلوا لاجلنا السهام على نساءه. فنزلت الاية - [00:06:24](#)

عشان المؤمنين ها يقف عند حدهم ولو واحد منهم اتجرأ يروح ناحية واحدة من امهات المؤمنين. طبعا هتضربه باللي في رجليها اصلا وهيقف معها مين بقى ها؟ المؤمنون. يقف عليها المؤمنون. فنزل هذه الاية ولا ان تنكحوا - [00:06:46](#)

واجهوا من بعده ابا. قال القرطبي وغيره وهذا من خصائصه. تمييزا لشرفه وتبنيه على مرتبته صلى الله عليه وسلم. قال الشافعي رحمه الله وازواجه صلى الله عليه وسلم التي مات - [00:07:09](#)

لا يحل لاحد النكاحهن. ومن استحل ذلك كان كافرا. طبعا كان كافرا. وهذا اصلا مستحيل هيحصل يعني هو لو فكر لو اي انسان مريض وفكر لا يمكن هو الجواز ده بالعافية - [00:07:29](#)

ما هي يرجع لموافقة مين ام المؤمنين لا يمكن هتوافق طبعا. ترضى ببديل برسول الله بديلا ابا ابا. مستحيل وهنشوف ده اقل منهم ولم يرضوا للبديل ابا من استحل ذلك كان كافرا لقوله تعالى وذكر الاية - [00:07:46](#)

وقال الشوكاني مسل ما قال القرطبي. اخرج البيهقي في السنن عن ابن عباس قال رجل من اصحاب رسول الله يبقى من اهل النفاق. من اهل النفاق مش اي رجل لأ من اهل النفاق - [00:08:07](#)

لو قد مات رسول الله تزوجت عائشة او ام سلمة فانزل الله وما كان لكم ان تؤذوا رسول الله ولا ان تنكحوا ازواجه من بعده ابا واجمع قال ابن كسير واجمع العلماء قاطبة على ان من توفى عنها رسول الله صلى الله عليه وسلم من ازواجه انه يحرم - [00:08:20](#)

على غيره تزويجها من بعده لانها من امهات المؤمنين ومن ازواج النبي في الدنيا والايه والاخرة اه الحكمة في التحريم زي ما ورد في قوله تعالى النبي اولى بالمؤمنين من انفسهم وازواجه امهاتهم. يبقى الحكمة في التحريم لانه ام - [00:08:47](#)

امك؟ ابوة نعم هي امك وافضل من امك. قال ابن كسير امهاتهم في الحرمة والاحترام والاكرام والتوقير والاعظام ولا تجوز الخلوة بهن اه يعني اه الخلوة لأ ممنوع تخلو بامك اللي ولدتك اه - [00:09:12](#)

لما بام المؤمنين لا امال امي ازاي يعني ام في الاحترام والتوقير والاعظام والاكرام والحرمة دي لا تنتشر الا بناتهن. يعني ام سلمة كان لها بنت مسلا طب ام سلمة حكمها ايه؟ يجوز لك تتجوزها؟ يجوز بقى - [00:09:38](#)

لان الرسول كان متزوج مين ام اسد. طب بنت ام سلمة؟ عادي بقى بنت ام سلمة طب اخت ام سلمة؟ عادي واضح؟ يعني الحرمة دي لا تنتشر لا لا اخواتهم ولا الايه - [00:09:59](#)

ولا لبناتهم طبعا ولان هم ازواجه في الدنيا وازواجه في الدنيا والاخرة وازواجه في الجنة. حزيمة رضي الله عنه حزيمة يقول لزوجته ايه بقى ان سرك ان تكوني زوجتي في الجنة ان جمعنا الله فيها وان شاء الله هو مجموع فيها ان شاء الله وفيها زوج - [00:10:13](#)

فلا تزوجي من بعدي ده مين ها زوجة حزيمة فان المرأة لآخر ازواجها ده حديس صحيح عن النبي عليه مرة لآخر ازواجها ده حديس

صحيح فحذيفة يقول لمراته يعني ان شرك تكوني معي ان شاء الله في الجنة. وطبعا يسرها هذا - [00:10:38](#)

فما تتجوزيش بعديه هو كده مش بيحرم الحلال مش بيحرم الحلال لكن بيقول ان شرك. طب افرض ان هو ما يسرهاش ان هي تكون زوجته في الجنة. خلاص ما تتجوزش تتجوز - [00:11:05](#)

كان بيقول لها ان شرك يبقى حذيفة لا يحرم الحلال ولا يحجر على امرأته انه لو حبيتي تكوني معه في الجنة ان جمعنا الله يبقى ايه ما تتجوزيش بعدي طبعا النهاردة يعني حدس ولا حرج - [00:11:18](#)

ها لا بتسمع حاجات عجيبة. يقول لك بعد ثلاثة وتلاتين يوم كل واحد راح لحقها له وليه ثلاثة وتلاتين مش عارف بعد عشر تيام كل واحد راح لحاله طب ليه بقى هنقول لها لو سركي تبقي معي في الجنة جنة مين - [00:11:37](#)

لان كانت حياتهم جنة اصلا هم عاوزين يكملوا كانت حياتهم جنة مش حياتهم جحيم ففعلا لما تيجي قلما قلما تجد زوجين فعلا عاوزين يكملوا ويقولوا نبقي في الجنة مع بعض - [00:11:58](#)

في نماذج في نماذج فعلا وان كانت قليلة قلنا ان الحرمة حرمة تعظيم وتوقير واکرام واجلال ولا يجوز الخلوة بواحدة منهم. طبعا خلاص هم رضي الله عنهم عنهن كلهم في عالم الاخرة الان - [00:12:15](#)

انما في حياة النبي عليه الصلاة والسلام حدس شيه من الخلوة فاذا بالرسول عليه الصلاة والسلام يحذر ويشدد وممنوع يحصل هذا ابدا مهما كان ان رجلا اتى بعض ازواج النبي ذكر الشوكاني عن ابن عباس ان رجلا اتى بعض ازواج النبي صلى الله عليه وسلم فكلها وهو ابن - [00:12:33](#)

عمها فقال النبي صلى الله عليه وسلم يعني جه لقاها واقف بيتكلم معها لا تقومن هذا المقام بعد يومك هذا اوعى اشوفك كده تاني ابدا لا تقومن هذا المقام بعد يومك هذا فقال يا رسول الله انها ابنة عمي - [00:12:56](#)

والله ما قلت لها منكرها ولا قالك لي قال النبي صلى الله عليه وسلم قد عرفت ذلك لتعود على ايه ان هي بنت عمك عارف وان هي انت ما قتلهاش منكر انا اعلم هذا. لان آآ انت مش هي مش سماحتك تقول تقول المنكر - [00:13:19](#)

وهي ما قالتش المنكر اعلم هذا لاني لا يمكن هتقول المنكر. اومال ايه يا رسول الله اعلم هذا ولكن انه ليس احد اغير من الله وانه ليس احد اغير مني - [00:13:43](#)

انا اول مرة واخر وهو واخذها طبعا بقى نزام عرب بقى ونزم حضارة حديسة ولا ايه؟ مش كده هذا الصحابي اللي هو كان ابن عمها هذا مضى وهو ماشي بقى بيتكلم زعلان يعني - [00:14:02](#)

قال يمنعي من كلام ابنة عمي لاتزوجنها من بعده لو مات يعني فانزل الله هذه الاية فاعتق الرجل رقبة اشتراها واعتقها وحمل على عشرة ابعرة في سبيل الله عشر جمال - [00:14:22](#)

يجهزهم وخط عليهم زاد ويحط عليهم كذا دول في سبيل الله وحق ماشيا توبة من كلمته. كل ده بيعمله عشان ايه الكلمة اللي قالها اللي قال ايه ان يمنعي من كلام ابنة عمي - [00:14:53](#)

لاتزوجنها ايه من بعده. نزلت الاية قالت له ده ممنوع هذا محرم بمناسبة الكلام مع بنت العم الوقت اللي احنا عايشين فيه يا اخواني احنا لا نتهم الوقت في شيه انما نتهم الناس. نتهم انفسنا - [00:15:15](#)

اصبح الناس فيه اشبه بالحيوانات الا ما رحم ربي بل هم احط من الحيوانات ما عندهم غيرة ولا عندهم احساس المرأة والبنت تتكلم مع اي حد تحضن اي حد قبل اي حد - [00:15:36](#)

زي اخويا زي ابني موضة موضة وتكلمها وتضيق عليها تقول لك ده انا مرضعاه. والله ده اتولد من قيمة الرضاعة دي من امتي في رضاعة انا مرضعاه. ما هو كلمة لازم تقولها امال هتداري خيبتها بايه - [00:16:01](#)

واداري عارها بايه؟ انا مرضعاه حتى لو مرضناه ينفع تعملي كده وعلى الملاء وفي الشارع والواحد يبوس اخته من خدها ويبوسه ايه السفل سفالة وسفه قلة حياء وادب وبنت الجيران وبنت خالته زي اخته - [00:16:19](#)

احنا متربيين سوا ده احنا واحد كده مع بعض انتم كده مع بعض طب وانتم كده مع بعض رسول كله انتم بتقولوا ان احنا مؤمنين به

قال من عشر سنين كل واحد في اوضته - [00:16:46](#)

اخوتي الاشقاء صح ولا مش صح مش قال فرقوا بينهم في المضاجع بتتقابلوا بالاحضان اذا كان اصلا فرقوا بينهم في المضاجع

اخوات واشقاء من عشر سنين كل واحد له مضجعه - [00:17:04](#)

لما تكبر ونبقى في مراهقة وفي شهوة ناخذ بعض بالحب والقبلات والضحكات بنت عمه بنت خاله بنت الجيران صاحبتة جارتهم ايه

ده ايه اللي بيحصل؟ ابن عمها وقدر اياك ان تقوم هذا المقام بعد ذلك - [00:17:23](#)

يا رسول الله ما قلت لها منكرا. اي ما انا عارف انت ما قلتش. لان مش هتسمح لك تقول المنكر اصلا ولا هي هتقوله لك انا الله اغير لا

احد اغير من الله وانا غيور - [00:17:53](#)

خلاص شف بقى لما غلط وقال كلام اللي مش صح حس بالندم وقعد بقى يعمل حج ماشي ينفق في سبيل الله عشان ربنا يغفر له

تطاول على المقام العزيم فالغيرة يا اخوانا مهمة اوي - [00:18:07](#)

ولازم كل واحد فينا يعرف ان لو ما كانش العرض ده او البنات دي او الست دي لا حد يغار ويضرب بالسنجة ويضرب بالشومة ويشق

في بطنه. ما فيش حد يعمل كده. ما حدش بيغار. لازم تعرف ان رب العزة - [00:18:28](#)

يغار رسول الرسول خلاص في جوار ربه انما رب العزة حي لا يموت. طب هيعمل ايه؟ هيعلمك الادب ما هو دي الست دي ابو البنات

دي ما لهاش بقى اللي يضرب ويعمل - [00:18:47](#)

لكن في رب يغار ما يحبش كده هيعمل فيك ايه؟ اللي هم مش عارفين يعملوه هيعملوا فيك اقسام بالله اعرف حالات الله سبحانه

وتعالى ادب فيها من تطاول على الاعراض - [00:19:03](#)

من سنين وادبوا تأجيبه فلازم تعرف ان الله يغار لازم تعرف دي مسيحية يهودية بوزية يروح برة تيجي جوة دي عرض محرم عليكم

وبس مدش ايدك عليها اتطاول الله يغار. يغار على النصرى؟ ايوه - [00:19:24](#)

مش عشان هم حلوين لا يغار على اليهود يغار على البوزيين يغار عرض وفاحشة بترتكب علنا يغار هيعمل فيك ايه اللي اهلها ما

عملوهوش لانهم ديوثين او خنازير ما بيغيروش - [00:19:54](#)

هو اللي هيعمل وفيها برضه به ليه لا؟ فيك وفيها الشاهد نخلي بالننا من المسألة ديت وتنقي الله فيها الخاصة التالية بعد ذلك قيام

الليل واجب في حقه قيام الليل واجب في حقه - [00:20:15](#)

واجب؟ ايوا طب وعندنا؟ لا عندنا السنة قال رب العزة ومن الليل فتهجد به نافلة لك. عسى ان يبعثك ربك مقاما عمودا قال الشوكاني

رحمه الله نافلة لك يعني خاصة للنبي. دي من خصائصه - [00:20:39](#)

امروا بقيام الليل وكتب عليه واخرج الطبراني في الاوسط والبيهقي في السنن عن عائشة رضي الله عنها قالت قال رسول الله صلى

الله عليه وسلم ثلاث هن عليكم فرائض عفوا ثلاث هن علي فرائض - [00:21:06](#)

وهن لكم سنة الوتر والسواك وقيام الليل دول بالنسبة لنا ايه سنن وبالنسبة للرسول فرائض نافلة لك اي انك مخصوص بوجوب ذلك

وحدك فجعلوا قيام الليل واجبا في حقه صلى الله عليه وسلم دون سائر الامة - [00:21:28](#)

طب دي فيه مشقة وقتها فين الخاصة؟ فين الميزة فيها يعني الناس نايمة وهو قايم طب قايم ليه؟ طب الناس المفروض تقوم

عشان عندها زنوب تكسر من النوافل وتكسر من الطاعات عشان تكفر الابه - [00:21:58](#)

الذنوب. طب ذنوبه صلى الله عليه وسلم مغفورة مغفورا طب بيقوم ليه فيها مشقة ليل فيها مشقة اه فيه بس بالنسبة للرسول مشقة

لا طبعا مش مشقة اصله مشقة مثل ما ربنا ما يخصوص بها - [00:22:14](#)

ده فيها متعة ده فيها لذة كانه قايم يعني ايه؟ ها يعني عاوز تقول مسلا واحد لو في واحد فينا زهق من حاجة معينة فتر من شيه

معين بيغير بيئة بيغير جو - [00:22:33](#)

بيعمل حاجة كده تدخل على نفسه السرور تعبت من عمل تقول انا ارواح استجم كده مسلا شوية ولا ايه عاوز تستجيب اهو بقى

الاستجمام بتاع سيدنا النبي يعمل ايه يقوم - [00:22:49](#)

عاوز تستجم بقى لي كتير اوي مع آآ قعدتش مع الولاد او يعني ما خلاش بالزوجة الدنيا زحمة والدنيا مش عارف ايه عاوز نقعد لوحدينا كده صح ولا مش صح؟ اهي دي. هو بقى الاستجمام بتاع النبي يعمل ايه - [00:23:06](#)

يقوم الليل طب ما تقول طب ما تخليها نافلة. لأ واجب عليه؟ ايوة. طب ليه لان المقام مقام مغفرة ومقام منزلة عالية جدا وربنا حاجزها له سبحانه وتعالى. مش هو اللي قال - [00:23:26](#)

سلوا الله لي الايه فانها منزلة فين؟ لا تبغي الا ليه؟ هو حته واحد بس الكون ده كله في الوجود ده كله في الانس والجن والملايكة وكله كله مكان واحد هيسكنه فرد واحد واللي معه بقى طبعا - [00:23:46](#)

عشان تكمل السعادة اللي هو الايه؟ الوسيلة تقوم بقى يبقى بالنسبة لك القيام ايه؟ ها؟ واجب عليه صلى الله عليه وسلم يستمتع هو وعلشان يناسب المقام بتاعه صلوات الله وسلامه عليه - [00:24:04](#)

قال طاهر بن عاشور استمر وجوب قيام الليل على رسول الله صلى الله عليه وسلم بعد فرض الصلوات. يعني كان بيقوم قبل الصلاة طبعا ان ربك يعلم انك تقوم انك عن قبل الفرض تقوم ادنى من ثلثي الليل - [00:24:24](#)

فبعد فرض الصلاة برضه ظل الرسول عليه الصلاة والسلام يقوم تعظيما لشأنه بكثرة الاقبال على الله. مش هو اللي قال لعائشة ظاريني اتعبد الليل لربي. مش كده الله! يعني شف المتعة الانسان يعني متعة وكلنا بنحب الفراش والكلام ده كله - [00:24:43](#)

لا هو بقى بيقول سيبينا اتعبد متعة صلى الله عليه وسلم ذكر الفقهاء في باب خصائصه صلى الله عليه وسلم انه لم يكن واجب على احد الا على رسول الله. اللي هو مين - [00:25:03](#)

قيام الليل ومن الليل فتهجد به نافلة لك عسى ان يبعثك ربك مقاما محمودا الخاصة التالية بعد ذلك لعلها الرابعة والثلاثون اختص صلوات الله والسلام عليه. بمناسبة بقى وصال الصيام - [00:25:17](#)

لانه طبعا في القيام بيغزى النبي عليه الصلاة والسلام وهو قائم بيغزى غزاء روي متعة ما يتعشب لذلك حزيفة لما وقف وراه مل مش كده؟ البقرة سم النساء ها ثم الامم - [00:25:47](#)

بل فالرسول ما بيملش ليه؟ ما بيملش لان فيه متعة فيه غزاء فما بيملش صلوات الله وسلامه وعلشان كده تجد في الارتباط بين الخاصة دي واللي بعدها زي اللي ايه؟ وصال الصيام - [00:26:07](#)

يعني تخيل ما هو الليل عنده زي ما السيدة عائشة بتقول كان بيصلوا كل ليلة حذاشر ركعة حذاشر ركعة. رمضان وغير رمضان تقول كان يصلي اربعا لا تسأل عن طولهن ولا حسنهن - [00:26:25](#)

ثم يصلي اربعا لا تسأل عن طولهن وحسنهن وبعدين يوتر صلوات الله وسلامه عليه طب والايام اللي كان بيصومها ويواصل فيها برضو بيعمل كده؟ سبحان الله غراب وتعجيب بين القيام والواصل - [00:26:39](#)

ترابط بين القيام والواصل يقوم ويواصل الصيام ايه ده بقى ده في مدد ثاني خالص في عطاء ثاني خالص يبقى الخاصة التالية معنا اختص صلى الله عليه وسلم بواصل الايه؟ الصيام - [00:27:00](#)

ايه الميزة فيه دي برضو ايه الميزة كأن طعامنا الرسول ليس بحاجة اليه هو بيطلع طعام ثاني خالص فما تفرقش بقى ياكل ما ياكلش ما تفرقش بس طبعا بالنسبة لنا بيسيبينا ناكل - [00:27:18](#)

لان احنا مش زيه زي ما هو بقول كده فانتهم مش زيي وانا مش زيكم طعامكم ده اكلكم وشربكم وطبيخكم دهن. بالنسبة لي مش هو ده المطلوب. لأ ده انا لي طعام ثاني - [00:27:38](#)

فعلشان كده تجد صلاة وصال صيامه في وقت واحد وفي وقت واحد عن عبدالله بن عمر رضي الله عنهما قال نهى رسول الله صلى الله عليه وسلم عن الوصاة فقال الصحابة انك تواصل - [00:27:53](#)

قال اني لست مثلكم. اني اطعم واسقى ومن حديس ابي هريرة انكم ايكم مثلي اني ابيت يطعمني ربي ويسقيني فما رضوش ايه يسمعوا الكلام ويواصلوا زي النبي عليه الصلاة والسلام - [00:28:09](#)

يطعمني ربي ويسقيني. فلما ابوا ان ينتهوا عن الوصال واصل بهم يوما. لحسن حظهم كان الوصال ده في اخر الشهر واصل بهم يوما

ثم يوما ثم رأوا الهلال اي هلال - [00:28:34](#)

هلال شوال حسن حظهم ان الوفاء اللي هم وصلوا في اخر الشهر واصل يوما ثم يوما ثم رأوا الهلال. فقال صلى الله عليه وسلم لو تأخر لزدتكم لزدتكم كالتنكيل بهم حين ابوا ان ينتهوا - [00:28:57](#)

ومن حديث انس رضي الله عنه قال واصل النبي صلى الله عليه وسلم اخر اخر الشهر وواصل الناس او ناس من ناسي فبلغ النبي صلى الله عليه وسلم فقال لو مد بي الشهر لوصلت وصالا - [00:29:21](#)

يدع المتعمقون تعمقهم. اني لست مثلكم. اني اظل يطعمني ربي ويسقيه واضح يطعمني ربي ويسقي. زي ما باقول لك كده ان حسن الحز ان الرسول واصل بهم الايام الاخيرة يومين في اخر الشهر - [00:29:44](#)

جه هلال شوال زهر عليهم ففطروا بقى لازم ياكلوا اه الوصال يا اخواني هو ان يأتي وقت الافطار ما تفطرش ويجي وقت السحور ها ما تتسحرش وتكمل ثاني يوم تصبح صايم - [00:30:07](#)

تالت يوم نفس الكلام وقت الفطار ها ما تفطرش وقت السحور وما تتسحرش تجيب كمان ايه تزيد كمان يوم يبقى كده وصلت كام يوم صيام ثلاثة ثلاثة اه وهكزا تقدر بقى اهلا وسهلا - [00:30:26](#)

فالرسول عليه الصلاة والسلام لما عمل معهم كده يومين اللي رحمهم ايه ها هلال شوال قال لهم لو مد بي الشهر لوصلت كالتنكيل بهم صلوات الله وسلامه عليه ليه بنكل بهم؟ قال له الرسول الرسول بيحب لهم الرحمة - [00:30:46](#)

ويحب لهم الخير وعارف قدرات الناس الرسول عليه الصلاة والسلام يعرف قدرات الناس لان مش هيقدرنا وبعدين ما تعملوش كده علشان ممكن تعمل مرة والثانية ما تقدرش فخير الاعمال ادومها وايه - [00:31:06](#)

وان قل الطعام بقى اللي بيقول عنه النبي عليه الصلاة والسلام يطعمني ربي ويسقيني. ايش الطعام ده؟ هل طعام اكل وشرب؟ بعض الناس او بعض اهل العلم قال كده قال هو كده - [00:31:19](#)

لكن كلام كلام ما يمشي مع النصوص ما يمشي اصلا مع النصوص. هم قالوا له انك تواصل فانكم لستم مسلي انا واصل اه يبقى كده اقر ان فيه ايه وصال انما لو لو كان اكل وشرب يبقى افطر ولا بواصل - [00:31:35](#)

يبقى افطر يبقى لا يمكن يكون اكل وشرب لا يمكن كذا يبقى افطر وكده يبقى اكل وكده ما فيش وصال لكن الرسول صلى الله عليه وسلم اثبت ان فيه ايه - [00:31:59](#)

وهم كمان قالوا انت بتواصل يا رسول الله يبقى قولوا واحدا ان ليس اكل ايه ولا شرب يقول ابن القيم ان المراد به ما يغذيه الله به من معارفه وما يفيض على قلبه من لذة مناجاته - [00:32:14](#)

وقرة عينه بقربه. ادي الطعام الحقيقي بقى المدد اهو بقى وقرة عينه بقربه وتنعمه بحبه والشوق اليه. وتوابع ذلك من الاحوال التي هي غذاء القلوب. ونعيم ارواح وقرة العين وبهجة النفوس - [00:32:34](#)

ولدت امامه. هو ده الطعام بقى. يطعمني وايه ويسقيه ولزك لما الرسول عليه الصلاة والسلام بيقول لنا لا تكرهوا مرضاكم على الطعام والشراب فان الله ايه؟ ها يطعمهم ويسقيه ازاى؟ ما لك انت؟ ما تقول ازاى - [00:32:57](#)

يطعمهم ويسقيهم. ببيجي عليه وقت الوجبة تلاقيه مش عاوز ياكل. تضغط عليه مش عاوز ياكل الوباء وعادي وادي عبد عادي ما هوش نبي ولا حاجة لا تكرهوا مرضاكم على الطعام والشراب - [00:33:17](#)

فان الله ايه يطعمهم ويسقيهم الوصال يا اخوانا اهل العلم اختلفوا فيه. فيه اللي بيحيزه وفيه اللي بيمنعوا ولكن القول اللي ابن القيم عليه رحمة الله يقول اعدل الاقوال ان الوصال يجوز من من سحر الى سحر - [00:33:31](#)

تواصل من سحر الى سحر. ازاى يعني بيجي ميعاد الافطار بتاعك بكرة مسلا صيام مش كده ولا ايه؟ ان شاء الله بكرة صيام ان شاء الله بكرة صيام. لو انت عاوز تجرب يعني الوصال في زي الحجة وماله ما فيش مانع - [00:33:56](#)

مسموح لك ها جرب كده كبر شبابك والشباب اللي بيشتكي من سران الشهوة ويقول انا مش عارف اعمل ايه واروح فين واجي منين ومش مستحمل لدرجة ان زوجته النفساء مش مستحمل عاوز يتجوز - [00:34:13](#)

الله! في فترة النفاس يا رجل يعني حتى فترة النفاس قلت له صوم قال له ان شاء الله هصوم تقول له صوم والعشر جاية اهي. طب ما تبدأ دلوقتي ابدأ قبل العشرة ما تيجي ابدأ ابدأ - [00:34:33](#)

معي؟ فالشاهد عاوز توصله واصل. صوم من سحر الى سحر هيجي مسلا بكرة الخميس ان شاء الله وقت الفطار ما تفتطرش وتكمل السحور غالبا في وقت الايه؟ السحر هيجي اوضة السحور الصح - [00:34:48](#)

ماشي وابدأ الصيام بقى هتصوم يوم الجمعة كله وعي الفطار يوم الجمعة ما تفتطرش مش كده والصحراء ليلة السبت وهكذا. عاوز تجرب؟ جربها حلوة ها حتى كمان توفراه فان اردت ان تواصل فمن سحر الى سحر - [00:35:10](#)

لحديث ابي سعيد الخدري انه سمع النبي صلى الله عليه وسلم يقول لا تواصلوا فايكم اراد ان يواصل فليواصل الى السحر واضحة كده؟ فليواصل الى السحرة الخاصة الخامسة والثلاثون من خصائصه صلى الله عليه وسلم عصمته من الناس - [00:35:37](#)

رسول معصوم من الناس. يا الله! تحدي تحدي الانبياء اللي بعثوا في بني اسرائيل تلتمية واربعناشر نبي ورسول تقريبا يعني تلتمية واربعناشر نبي ورسول تلتمية واربعناشر نبي ورسول كانوا مهديين بالقتل - [00:36:12](#)

باستثناء عيسى عليه الصلاة والسلام اني متوفيك ورافعك اليه لكن سيدنا النبي عليه الصلاة والسلام عصم من الناس لما يقول رب العالمين على هؤلاء الانبياء هؤلاء الانبياء الكثر افكلما جاءكم رسول كلام لبني اسرائيل. افكلما جاءكم رسول بما لا تهوى انفسكم - [00:36:35](#)

استكبرتم ففريقا كذبتم وفريقا ايه تقتلون طب تعال على سيدنا النبي جاءهم بما لا تهوى انفسهم ولا تهوى اه بما لا تهوى انفسهم طريقا كذبوا فريقا كذبوا. ومحمد يقتلون لا مستحيل - [00:37:10](#)

مستحيل. ولا هم ولا غيرهم ولا هم ولا غيرهم اذا النبي صلى الله عليه وسلم خصه الله بانه عصمه من مين من الناس لا يستطيع الناس مهما اوتوا ان يقتلوه - [00:37:33](#)

سيدنا محمد صلى الله عليه وسلم معصوم قبل الاية وبعد الاية. الاية اللي فيها ايه؟ اللي فيها والله ايه يعصمك من الناس بعد ما نزلت الاية كان له حراسة خاصة - [00:37:50](#)

فسرح الحراسة الخاصة طبعا بنو اسرائيل ما كانش عندهم. دي بقى خص بها دون سائر الانبياء وخص بها دون ايه؟ سائر الناس لانبياء ولا ناس معصومين الا مين اه معصومين من الناس اي واحد فينا عرضة يقتل - [00:38:05](#)

انبياء منهم من قتل يحيى وزكريا وغيره وغيره ها قتلوا اما سيدنا النبي خص دون سائر الانبياء ودون سائر الناس بانه معصوم من الناس ها لا ما هو في السب وكده؟ لأ ده ما لوش دعوة بالعصمة. احنا بنتكلم زاته زاته عصمت من القتل - [00:38:32](#)

ولذلك بالنسبة لانبياء بني اسرائيل يعني ابن مسعود روى عن النبي صلى الله عليه وسلم حديثا يقول اشد الناس عذابا يوم القيامة رجل قتله نبي او قتل نبيا رجل قتله نبي - [00:39:01](#)

او قتل نبيا واخذ بالك من الاتنين اه وامام ضلالة امام يعني منصب مش امام صلاة وان كان امام صلاة امام ضلالة نفس الكلام. يفرض ان هو امام بدعة ها ويبدعوا الى بدعة وينصر البدعة يبقى امام ضلالة - [00:39:26](#)

اما المقصود هنا امام ضلالة يعنيه يحكم الناس يحكم الامام ضلالة وممثل من الممثلين وممثل من المسلمين دول اشد الناس عذابا. رجل قتله نبي او قتل نبيا كان النبي صلى الله عليه وسلم يحرس له حراسة خاصة - [00:39:46](#)

ويحرص الصحابة على حراسته. فعن عائشة رضي الله عنها قالت كان النبي صلى الله عليه وسلم سهر فلما قدم المدينة قال ليت رجلا من اصحابي صالحا يحرسني الليلة اذ سمعنا صوت سلاح فقال من هذا؟ فقال انا سعد بن ابي وقاص - [00:40:20](#)

جئت لاحرسك جئت لاحرسك يا رسول الله فنام النبي صلى الله عليه وسلم لا اله الا الله اللهم ارزقنا ايمانا مسل ايمان هؤلاء يعني الرسول ما ارسلش لسعد او لغيره وقال له تعال الليلة دي - [00:40:45](#)

اقعد جنبى انا هنام وانت هتقعد تخلي بالك مني ولو بعث لاي حد من الصحابة لا يمكن ان يتأخر وله الشرف ما ارسلش لحد لكن كان يتمنى ذلك. بيقول ليت رجلا من اصحابي صالحا. ما فيش حد من اصحابي ييجي يحرسني الليلة - [00:41:14](#)

والامنية هو خالص كلام من هنا ويلاقى الحارس جاي. مين اللي بعث له ها الله صح الله ثم ايه كمان؟ بعد الله ايه ضمير الايمان الحب الخالص لرسول الله حب الخالص ده مخلي سعد ابن ابي وقاص وغيره طبعا مش سعد اللي بيحبه بس - [00:41:35](#)
حاتت الرسول في دماغه قايم نايم بييفكر فيه هو وضعه ايه دلوقتي يا ترى نايم؟ طب ونايم ازاى؟ مستريح قلقان مطمئن حطه في دماغه مش كده ولا ايه - [00:42:02](#)

زي ما يكون واحد حبيبك ابنك يا راجل لسه رايح الجيش اول يوم اه بيحي لك نوم انت وامه والواد بخصوص اذا كان دلوعة يا ترى الواد بياكل؟ امه تعيط. الواد ببشرب. يا ترى اعمل ايه يا ابني؟ - [00:42:21](#)

ها ان كان في الشتا. يا حبيبي وعامل ايه دلوقتي؟ سقعان ولا دافية؟ ولا ايه؟ مش كده مش هو ده اللي بيحصل حطك حاطط دماغك في دماغك انما حاطط الرسول في دماغك هو سعد ابن ابي وقاص ما كانش عنده عيال - [00:42:38](#)

اه عندو انما قاعد شاغل باله يا ترى الرسول دلوقتي ما هم لسه رايحين المدينة جدد. الرسول دلوقتي قلقان حد بييفكر بأزيها حد بييفكر يفتاله حد بييفكر يضربه كده ولا كده؟ وارد ولا مش وارد؟ وارد - [00:42:56](#)

أنا مش نايم بقى جاب سلاحه عارف المكان. رايح الدنيا ظالمة اصلا للظلام هو الرسول خالص الكلمة هنا صلى الله عليه وسلم لقيت رجلا من اصحابي صالحا يحرسني الليلة عائشة تقول سمعنا صوت السلاح - [00:43:20](#)

صوت السلاح ايه؟ بيخروش بيخروش الجراب بتاعه مين؟ قال له سعد. طبعا مين دي؟ يعني مين اللي جاي في الوقت ده؟ وارد يكون عدو ولا حبيب؟ وارد يكون عدو - [00:43:39](#)

فطلع ايه والى حبيب مين اللي جاي؟ يبقى مش شايفه مش عارفه بس سامع قال له انا سعد يا رسول الله. جئت احرسه ياه ايه اللي جابك ايه اللي جابك يا سعد؟ انا ما بعثلكشي - [00:43:59](#)

واضح يا اخوانا ولا مش واضح؟ نقدر نعيش الجو ده نقدر نرتقي الى المنزلة دي نقدر الرسول يبقى في بالننا بالشكل ده ولا في بالننا عيالنا وحالنا اه وتلاقي الراجل زعلان - [00:44:17](#)

وكل حاجة خلصت في الفرحة بس فاضل ايه؟ حق القاعة طب اعمل ايه يجيب لها قرض عشان ده هو الحيلة ومش عاوز يزعله وبعد ما جاب القرض وحجز ليلة الحجز وينفخ بطنه. ليه - [00:44:39](#)

حجزنا الفرحة هيتم ان شاء الله. والواد هينبسط انبسط او البت هتنبسط العيال هترقص وتهيص بنس ما نفكر بنس ما ندبر فرق كبير قوي والله يا اخوانا اوي من صحابي - [00:45:00](#)

حاطط الرسول في دماغه ومش جاي له نوم وخالص هو مش ما نمش الليلة كلها يعني سعد ما نمشي هو خد سلاحه وراح مين اللي نام الرسول اللي نام والسيدة عائشة يقول سمعت غطيته - [00:45:25](#)

نام بقى وخالص. الله وسعد ايه؟ صاحي طب لما يلاقي خطر هيصحيه ويقول يا رسول الله قم اموته ولا اعمل فيه ايه يا رسول الله ولا هقوم بالدور في المليون - [00:45:43](#)

ولا هيقعد يصحي الرسول ويستأذن مش كده هيحس اي خطر في المليون ياه مش لسه هيشوف المجتمع الدولي هيقول ايه والراجل ده نيته حسنة ولا سيئة؟ لا لا لا ما فيش الكلام ده - [00:45:59](#)

يبقى سعد ما بينمشي لكن الرسول ايه ينام شف احنا ما بنمش من ايه اه وبنام من ايه؟ وبنام عن ايه وسعد مش راضي ينام. علشان كده هو الصحابي الوحيد - [00:46:18](#)

اللي الرسول قال له ايه بقى؟ قال له ارمي فداك ابي وامي. هو الوحيد لانه كان راح يفدي مين الرسول فقال له فداك طب وابوك وامك يا رسول الله ميتين - [00:46:36](#)

فداك ابي وامي يعني انا افديك يا سعد واحميك يا سعد ان جيت تحميني عبارة الكلمة من الرسول عليه الصلاة والسلام تدل عن رضا رسول الله صلى الله عليه وسلم التام عن سعد بن ابي وقاص - [00:46:55](#)

ظلت الحراسة دي طبعا لحد الاية ما نزلت الرسول طلع راسه من القبة وقال للصحابة يا جماعة خلاص حدش يشغل باله موضوع الاية

بموضوع الحراسة. الآية نزلت يا ايها الرسول بلغ ما انزل اليك من ربك وان لم تفعل فما بلغت رسالته والله - [00:47:19](#) يعصمك من الناس. قال يا ايها الناس انصرفوا انصرفوا ما تشغلوش بالكم بي بقى خلاص فقد عصمني الله عز وجل الرسول عليه الصلاة والسلام معصوم قبل ان يهاجروا بعد ان هاجروا - [00:47:47](#)

بس الامر ده ما كانش زاهر بنص النص ده الآية دي في سورة المائدة وفي المدينة والله يعصمك من الناس لكن الله يعصمه من الناس في مكة بدون نص. بس بواقع موجود - [00:48:07](#)

بدون نص بس في عصمة من الله سبحانه وتعالى عصم الله رسوله صلى الله عليه وسلم من الناس بابي طالب مع ان ابا طالب ايه كان كافرا. ابو طالب لو اسلم كان تجراً الناس على رسول الله - [00:48:25](#)

اوعى بس اوعى تفهم منها ان ربنا سبحانه وتعالى اراد له الكفر عشان يحمي الرسول؟ لأ طبعا هو اللي اختار الكفر بس الناس غالباً اللي بيبقى شكلها بيعملوا له خاطر - [00:48:45](#)

واللي بيبقى ضدها بيتناولوا عليه فابو طالب لو اسلم هيبقى زيه زي غيره بقى يتناولوا على مين؟ على رسول الله لكن شاربيين خاطر مين ابي طالب فالله عصمه بابي طالب مع ان ابا طالب مش ايه - [00:49:00](#)

مش على دينه. يهاب رسول الله صلى الله عليه وسلم اكراما لمين لابي طالب. عصم الله رسوله من الناس ومن ابي جهل ما فيش نص لكن بواقع موجود. ايه اللي حصل - [00:49:23](#)

عن ابي هريرة قال قال ابو جهل هل يعفر محمد وجهه بين اظهركم قال قال فقيل له يعني؟ نعم. يعفر يعني ايه؟ يعني يسجد قدامكم. اهو كان السجود قدامهم كده. عيب قوي - [00:49:41](#)

ايه السجود ده بيعتبروها عيب وقبيحة ان الانسان يسجد ويحط رأسه كده وجبهته في الارض. امال يسجد ازاى يعني؟ يسجد يعني كده آآ مع مناخيره فوق برضه ويسجد يعني يقر ويعترف. انما كده يسبت في الارض لأ ديت. قالوا بيستعيبوها - [00:50:01](#)

بيستعيبوها فبيقول لهم ايعفر محمد وجهه وجهه بين اظهركم؟ قالوا نعم. قال واللات والعزى لان رأيته فعل ذلك لاطأن على رقبتة. لو شفته بيسجد هاروح ادوس على رقبتة. الله! معقول! ايوة - [00:50:22](#)

طيب او لاعفرن وجهه. هاروح اجيب شوية تراب وارشهم عليه فاتى رسول الله صلى الله عليه وسلم او اي ابو جهل. فاتى رسول الله صلى الله عليه وسلم وهو يصلي - [00:50:46](#)

زعم ليطأ على رقبتة طبعا موجود شوية كده قاعدين عند الكعبة يراقبوا ايه الموضوع فما فجأهم منه؟ المجموعة اللي قاعدة عشان تشوف ابو جهل هيعمل ايه. فوجئوا بانه راجع للخلف - [00:51:01](#)

مش قادر يغير ويجري بوشه ويجري بس ايه مرشدين للخلف فنقص على عقبه ويتقي بيديه. ما حدش شايف حاجة! طب اعمل لي شايف ابو جهل عليه لعنة الله امال يرجع لورا ويعمل كده - [00:51:26](#)

هم طبعا قاعدين عند الكعبة مش شايفين هو شايفين واحد بيرجع بيرجع مرشدين وبيحوش بايديه كده ويتقي بيديه. قيل له ما لك؟ فقال ان بيني وبينه لخدقا من نار وهولا واجنحة. الله - [00:51:53](#)

شايف ملايكة لها جنحة وجاية عليه خندق نار خندق نار ببقى عشان يعدي هيقع في النار وهو ما فيش هو اللي شايف الخندق بس. اللي قاعدين جنب الكعبة ما هم شكلوا. ما هم كفره زيه. بس مش شايفين خنادق - [00:52:19](#)

وفعلا ما فيش خندق. ما فيش خندق يعني تعرف تمسكه مين اللي شايف الخندق؟ ملبوس مش ملبوس بقى بالجن. جات له الملايكة جنتته. جات له الملايكة مالتة رعبا. خندق وهؤل واجنحة فعمال - [00:52:40](#)

ويرجع قال رسول الله صلى الله عليه وسلم لو دنا مني لاختطفته الملائكة عضوا عضوا يعني لو قرب عند النبي عليه الصلاة والسلام وشال شوية تراب قبل ما يحطهم لو دنى مني - [00:52:59](#)

ملايكة فيه ملك ام فسح ايده والملك الثاني يفسخ ايده دي وملك ياخذ رجله وملك ياخذ رجله وملك ياخذ دماغه لاختطفته الملائكة ايه؟ عضوا عضوا. والله يعصمك من الناس. فيه نص هنا؟ لأ ما فيش نص. امال فيه ايه - [00:53:19](#)

فيه واقع موجود. ابو جهل الرسول غصب منه ابو طالب الرسول عصم به عصم به نعم اه سلا الجزور يعني؟ اه. لأ ما هو سلا الجزور ما يموتوش سلا الجزور ما يموتوش. والله يعصمك - [00:53:40](#)

اه يعصم زاته هم عاوزين الزات دي يخلصوا منها انما يحط الشوك في طريقه يحطوا كرش على مغسلة يعني الكرشة والمصارير والحاجات دي هو لو كان عندنا هنا كانت ناس كتير راحت شدت الكرشة وقال لك يا هاتنا هناكها - [00:54:11](#)

واخذ بالك؟ لان هو بيعتبرها عيب بيرموا عليه عفوا يعني زباله دي ما تموتش الاية والعصمة عصمة لان هم الشخصية نفسها عاوزين يخلصوا منها في فرق بين الايذاء والخلص ازاى يعني ايه - [00:54:28](#)

ما هو الاية بتقول يا ايها الذين امنوا في سورة الاحزاب ايضا ان الذين يؤذون الله ورسوله ها لعنهم الله يؤزون الله ورسوله ده الايذاء ما ايذاء حاجة والخواص منه حاجة تانية. احنا بنتكلم على عصمات اختص - [00:54:48](#)

بالعصمة كل من اراد ان يتخلص منه مستحيل. انما اذوه في احد وكسروا له رباعيته وكسروا البيض على رأسه وسال الدم على وجهه الشريف ازاء ايذاء عادي دي عادي ها؟ اه ده ايذاء عادي اه - [00:55:10](#)

المرأة اليهودية طبعا لما سمت له الذراع تريد ان تتخلص منه عصمه الله بالزراعة. الزراع نطق قال له اني مسموم اني مسموم ما تاكليس خلاص الحتة اللي خدها تفها ان امرأة يهودية هكذا كحديس انس اه ولما سمى اليهود زراع الشاة اخبره الزراع - [00:55:29](#)

فعن انس ان امرأة يهودية اتت رسول الله صلى الله عليه وسلم بشاة مسمومة فاكل منها فجيء بها. جيء باليهودية يعني الى رسول الله صلى الله عليه وسلم فسألها عن ذلك فقالت اردت - [00:55:54](#)

لاقتك واضح كده لاقتك مش هأزيك اقتلك قال ما كان الله ليسلطك على ذلك. عمرك ما هتوصلي لها لأ ولا انت ولا غيرك رسول الله يعني لو في الوقت الحالي اللي احنا فيه ده والله العزيم - [00:56:11](#)

جميع الصواريخ وجميع الدبابات وجميع الطائرات نووي غير نووي يضربوا فيه ما يموت ابدًا ما يقتل ابدًا ولا حاجة توصله اصلا كل الحاجات دي تقف. عملنا بقى بطاريات مضادة ما عملناش بطاريات مضادة. لا يمكن لا يمكن - [00:56:31](#)

والله حتى الان طب خليبهم يضربوا الحجرة الشريفة. مش ممكن. لانه لو كان هذا سيحسد لاخبر به النبي خليبهم يضربوا الكعبة. مش ممكن واهي الكعبة مخلوقة وحجارة مش رسول لان لو كان هيحصل كده كان اخبط - [00:56:48](#)

لما اخبر بانى يهدمها زو السويد قتيل. لا قال صواريخ ولا امريكا ولا الروم ولا الفرس وذو الصوت كتاب من الحب. وامتى لما الامة تبقى خلاص وادعي ما فيش حد فيها بيصلي ما حدش فاهم يقول الله ما حدش فيها بكى على كعبة - [00:57:11](#)

لكن تنضرب بصواريخ اهي قدامهم اهي والمكان معروف والمسافة معروفة يضربوها ما يقدروش طب ليه؟ عشان احنا اقوياء احنا اضعف من الضعف هو كده خاطر نفسه ما يجيش الرعب يبجي في القلوب - [00:57:32](#)

لو خاطر جه يخاف يمد ايده خاف يمد ايده على الزرار اللي هيطلق الصاروخ ليه احنا بنقول كده ليه وواسقين اوي كده ليه؟ واسقين لان رسولنا قال كده. لو حاجة زي كده قال ستنسف يعني ويسألونك عن الجبال ها - [00:57:55](#)

تقول ينسفه كان الرسول قال ستنسف الكعبة قالش تزل رب العالمين يقول جعل الله الكعبة البيت الحرام قياما للناس تفضل كده طيبة عشان الدين يبقى قائم تقرب نبعد نضعف نقوى - [00:58:15](#)

يظل الشيء قائم امتى تخرب لما الامة بقى خلاص ده بعد الكلام ده امتى؟ بعد بأجوج وأجوج وبعد موت عيسى عليه الصلاة والسلام ودفنه وكل ده والله يعصمك من الناس اميت كده تقول هو ميت؟ اه حتى وهو ميت اه. اهو خاطر ده خطر بي الان. والله يعصمك يا ابن انس بعد موته. طب خلوهم ينبشوا قبره. ما يجراوش - [00:58:34](#)

ينسفوه عن بعد ما يجرووش يعصمك من الناس حيا وميتا. اكني ممكن يبجي في بالهم ينبشوا الحجرة ويطلعوا قبر الرسول جسة الرسول ابدًا مش ممكن يا اخي ده المدينة نفسها - [00:58:57](#)

الحدود محاطة بملايكة لا الدجال يدخل ولا الطاعون يبقى الطاعون اخطر ولا السلاح النووي اخطر ولى المدافع والصواريخ؟ اذا كان الطاعون بيمنعوه. الملايكة واقفة هتخش المدينة وينسفوا الحجرة الشريفة مش ممكن. مش هيحصل - [00:59:18](#)

يبقى يعصمك من الناس حيا وميتا ما يجرؤش حد مش عشان احنا اقوياء وبنحفظه لا عشان ربه اختصه صلوات الله وسلامه عليه فقال لليهودية ما كان الله ليسلطك على ذاك. او - [00:59:42](#)

على قتله صلى الله عليه وسلم. انس يقول فما زلت اعرفها في لهوات رسول الله. اهو دي الازى بقى انس قريب اوي من الرسول يعني ممكن كان يلاحز حركات او - [01:00:02](#)

افعال من سيدنا النبي تبين له اللسان المزمار لانه انس قريب قوي فيشوف الايه اللهوات اللي ساعدة فيلاقيه متأسر بايه باثر السم باين في في لسان المزمار واللهوات دي ده ازاء لكن برضه لا يتنافى مع الايه - [01:00:17](#)

مع العصمة مع العصمة عصمه الله من الاعراب المشركين اللي عاوزين يخلصوا منه باي صورة من الصور بلغهم وهو راجع من سفر انه نزل تحت شجرة يعني شوفوا الاعداء متربصين من كل اتجاه - [01:00:43](#)

نزل تحت الشجرة زي ما بيقول ان سيدنا جابر غزونا مع رسول الله غزوة قيبا لنجد فادركنا رسول الله صلى الله عليه وسلم في واد كثير العضاء. شجر كثير يعني - [01:01:05](#)

فنزل رسول الله تحت شجرة فعلق سيفه بغصن من اغصانها وتفرق الناس وتفرق الناس مش حراسة وتفارق كل واحد بيدور له على حة ظل يعني وتفرق الناس في الوادي يستظلون بالشجرة - [01:01:23](#)

فقال رسول الله صلى الله عليه وسلم ان رجلا اتاني اتاني وانا نائم فاخذ السيف فاستيقزت وهو قائم على رأسي فلم اشعر الا والسيف سلطا في يده. ده مين ده بقى من الاعراب والمشركين - [01:01:41](#)

فرصة الجماعة اللي مقيلين دول ونايمين دول فين الشجرة اللي تحتها الرسول قدرا لا سيف مين؟ سيف الرسول ام مسكو وكله نايم وكله مريح وكله مضطجع وما فيش يا من يمنعك مني - [01:02:02](#)

وقف كده وقال من يمنعك مني؟ قلت والله. قال ثم قال في الثانية من يمنعك مني؟ قلت الله. فشام السيف فها هو ذا جالس. الراجل فين اعد الاعرابي قاعد لما قلت له الله قام حاطط السيف في غمده - [01:02:26](#)

طب ما تضرب حطه زي ما كان عصمه الله سبحانه وتعالى. في رواية تانية ان هو الرسول خد السيف وقال من يمنعك مني قال له كن خير ايه؟ اخذ الشاهد طبعا هذا الرجل الاعرابي لما لقي كده - [01:02:51](#)

خلاص بيضرب ما يقدرش ودي تأكد لك برضو سف ايده اهو طب ما عندهم بطارية الصواريخ ما تضرب ما تقدرش طرشة في رعب في ما هو ساعات يقول لك ايه وساعات يشرب كده بتاع عشان يتهبل - [01:03:13](#)

برضو حتى لو انهبل ما يقدرش. لان هم برضه مش هيشربوها حاجة عشان يقول لك ايه! خليه يشرب ويتهبل ويدوس على الزرار وييقوا اسمه واحد مهبول. لأ ما هو اصل - [01:03:35](#)

مهبول ده ممكن يدوس على حاجات كثير. فبرضه لازم يكون اللي جنبه الزرار ده ايه دماغه معقول لانه هيد هول الدنيا مش هتبقى على قده كده لان اوعى تفكر له الكون ده يا اخوانا سايب كده اللي يعمل عاوز يعمل فيه حاجة يعملها لأ - [01:03:45](#)

ان تناول علينا الكفرة وان مدوا ايدهم علينا ولا ولا لحكمة يريدنا الله بيأدبنا. بيرجعنا لصوابنا. الكون مش سايب لأ الكون محكم ومنضبط وطبعا كل اللي هيحصل فيه الرسول عليه الصلاة والسلام اخبرنا به - [01:04:03](#)

المنافقون طبعا لما كانوا في غزوة من الغزوات ارادوا ان يعملوا فيه ايه ها ينفروا راحته عشان الراحلة القيه وينزل من اعالي الجبل يتدحرج حتى يموت ولكن الله يعصم من مين - [01:04:22](#)

من الناس يرجع سيدنا حذيفة عمار بيقوده وحذيفة يسوقه اه عمار يقوده يعني ايه صاحب الناقة من الامام وحذيفة من وراه والمنافقين جايبين يعملوا اي حركة يخوفوا الناقة عشان تلقي مين؟ رسول الله - [01:04:42](#)

حس بهم مين؟ حذيفة. رجع يضرب وجوه الرواحل. ما فيش تفاهم في المليان. وما بيستأزنش مش بقول للرسول طب وبلى لا لا لا الرسول حسان فيه وراه حاجة ايه مش طبيعية - [01:05:08](#)

حمزة حذيفة يضرب وجوه الرواحل عشان يخافوا يرجعوا وما يقربوش فلما الرسول حس نبه عمار وقف الدبة نزل الرسول ايه يا ايها

حزيفة هل عرفت القوم عرفتهم؟ يبقى الرسول عارف ان فيه مصيبة. الله! فيه خطة هل عرفت القوم؟ قال لا يا رسول الله -

01:05:23

قوم ملثمون ولكن عرفت عامة الرواحل النهار يطلع اعرفهم فرس فرس واعرف ده ده وده وده الرسول اخبره وعرفه اساميههم وقالوا

ده فلان وفلان وكانوا جايين يعملوا كزا وكزا وكزا. والله يعصمك - 01:05:50

من الايه؟ من الناس. حيا وميتا. صلوات الله وسلامه عليه نكتفي بهذا القدر - 01:06:14